

**KENYATAAN AKHBAR  
OLEH  
YBHG. PROF. DATO' IR. DR. RADIN UMAR BIN RADIN SOHADI  
KETUA PENGARAH  
JABATAN PENGAJIAN TINGGI  
KEMENTERIAN PENGAJIAN TINGGI MALAYSIA  
MENGENAI  
STATUS KEPUTUSAN PERMOHONAN KEMASUKAN  
KE INSTITUSI PENGAJIAN TINGGI AWAM (IPTA)  
BAGI PROGRAM PENGAJIAN  
LEPASAN STPM/MATRIKULASI/SETARAF  
(IJAZAH PERTAMA)  
SESI AKADEMIK 2009/2010**

---

1. Sukacita dimaklumkan dasar pengambilan dan pemilihan kemasukan ke IPTA bagi Program Pengajian Lepas STPM/Matrikulasi/Setaraf (Ijazah Pertama) adalah berasaskan **prinsip meritokrasi dengan mengguna pakai 90% markah akademik dan 10% markah kokurikulum** untuk menentukan nilai merit seseorang calon.
  
2. Mulai Sesi Akademik 2007/2008 markah kokurikulum 10% diselaraskan oleh Kementerian Pelajaran Malaysia (KPM) memandangkan penganjuran, pemantauan, penilaian dan penglibatan pelajar adalah di bawah kawalan kementerian berkaitan. Justeru Kementerian Pengajian Tinggi (KPT) telah menerima markah kokurikulum 10% dari KPM untuk dipadankan dengan markah akademik 90% yang diterima dari Majlis Peperiksaan Malaysia (MPM) dan Bahagian Matrikulasi Kementerian Pelajaran Malaysia (BMKPM) untuk digabung bagi menghasilkan markah merit calon yang diguna pakai bagi pemilihan kemasukan ke IPTA.
  
3. Dalam pengiraan markah merit ini, nilai **Purata Nilai Gred Kumulatif (PNGK)** disetarakan dengan pemarkahan berasaskan kepada markah maksimum 90. Sebagai contoh seseorang calon yang mempunyai PNGK 4.00 akan mempunyai markah penuh akademik 90, manakala calon yang mempunyai PNGK 3.50 akan memperoleh markah akademik sebanyak 78.75 dengan menggunakan pengiraan  $(3.50 \times 0.25 \times 90)$ .

4. Dengan ini sekiranya seseorang calon mempunyai PNGK 3.50 dan markah kokurikulumnya 8.0, maka nilai merit calon ialah  $78.75+8.0 = 86.75$ .
5. Dalam beberapa kes terdapat calon yang mempunyai nilai PNGK 4.00 tetapi markah kokurikulum mereka rendah maka kedudukan mereka dalam merit adalah lebih rendah berbanding mereka yang mempunyai nilai PNGK yang rendah sedikit tetapi markah kokurikulum lebih tinggi. Bagi kes sebegini terdapat calon yang mempunyai PNGK 4.00 dengan markah kokurikulum yang rendah tidak memperoleh pilihan pertama mereka.
6. Kejayaan calon untuk memperoleh tempat bergantung kepada susunan merit, pemilihan program pengajian di IPTA yang dipohon. Jika merit mereka tidak begitu tinggi dan memohon lapan (8) pilihan dalam program pengajian kompetitif, kemungkinan besar mereka tidak terpilih untuk tawaran program pengajian yang dipohon. Begitu juga jika mereka memohon hanya di IPTA yang popular mungkin akan menghadapi persaingan yang tinggi dan akhirnya tidak mendapat apa-apa tawaran daripada IPTA berkenaan.
7. Kementerian Pengajian Tinggi amat prihatin dengan calon yang memperoleh merit yang tinggi dengan menawarkan program pengajian di luar pilihan calon yang mirip dengan pilihan mereka di IPTA yang terdapat kekosongan jika ada menyatakan persetujuan untuk menerima pilihan di luar lapan (8) pilihan program pengajian semasa mengemukakan permohonan.
8. Sejumlah **61,027** calon Lulusan STPM/Matrikulasi/Asasi telah memohon untuk Program Ijazah Pertama. Dari bilangan tersebut hanya **48,133 (78.9%)** calon telah mencapai kelayakan minimum, iaitu nilai PNGK 2.00 ke atas serta memenuhi syarat am permohonan kemasukan ke IPTA.

9. Bilangan tempat yang berjaya ditawarkan adalah seramai **40,366** iaitu sejumlah **83.9%** daripada calon yang layak telah ditawarkan tempat. Statistik ini termasuk **3,599** tempat yang ditawarkan oleh USM. Terdapat peningkatan sebanyak **0.5%** (**40,184**) berbanding Sesi Akademik 2008/2009.
10. Seramai **27,829 (68.9%)** calon dari kalangan kaum Bumiputera, **10,116 (25.1%)** calon dari kalangan kaum Cina dan **2,421 (6.0%)** calon dari kalangan kaum India telah berjaya di dalam pemilihan yang berasaskan kepada merit untuk kemasukan ke IPTA Sesi Akademik 2009/2010 ini.
11. Dari jumlah di atas seramai **24,581 (60.9%)** adalah calon Aliran Sains dan **15,785 (39.1%)** adalah calon Aliran Sastera.
12. Dikenal pasti sejumlah **4,424 (96.7%)** dari **4,574** calon yang tersalah diberi tawaran oleh USM atas faktor kesilapan teknikal pada 29 Mei 2009 telah berjaya dalam pemilihan kemasukan ke IPTA yang diselaraskan oleh Bahagian Pengurusan Kemasukan Pelajar, Jabatan Pengajian Tinggi (UPU). **Baki 150 calon** yang tidak mendapat tawaran akan dipertimbangkan oleh USM dalam kes rayuan.
13. Peratusan calon yang berjaya berdasarkan bilangan permohonan mengikut kaum adalah seperti berikut:-

BIL	KAUM	POHON	TAWAR	PERATUS
1	BUMIPUTERA	<b>44,090</b> 72.25%	<b>27,829</b>	<b>63.0%</b>
2	CINA	<b>12,645</b> 20.72%	<b>10,166</b>	<b>80.4%</b>
3	INDIA DLL	<b>4,292</b> 7.03%	<b>2,421</b>	<b>56.4%</b>
<b>JUMLAH</b>		<b>61,027</b>	<b>40,366</b>	<b>66.1%</b>

14. Bilangan calon yang berjaya di dalam beberapa Program Pengajian Kompetitif adalah seperti berikut:-

BIL	BIDANG	BUMI	CINA	INDIA DLL	JUMLAH
1	PERUBATAN	<b>523</b> 55.3%	<b>346</b> 36.6%	<b>76</b> 8.1%	<b>945</b>
2	PERGIGIAN	<b>99</b> 51.0%	<b>84</b> 43.3%	<b>11</b> 5.7%	<b>194</b>
3	FARMASI	<b>169</b> 58.7%	<b>104</b> 36.1%	<b>15</b> 5.2%	<b>288</b>
4	KEJURUTERAAN KIMIA	<b>770</b> 66.1%	<b>321</b> 27.6%	<b>73</b> 6.3%	<b>1,164</b>
5	KEJURUTERAAN ELEKTRIK / ELEKTRONIK	<b>1,855</b> 69.4%	<b>658</b> 24.6%	<b>159</b> 6.0%	<b>2,672</b>
6	KEJURUTERAAN MEKANIKAL	<b>1,802</b> 73.4%	<b>545</b> 22.2%	<b>108</b> 4.4%	<b>2455</b>
7	UNDANG-UNDANG	<b>233</b> 63.1%	<b>103</b> 27.9%	<b>33</b> 9.0%	<b>369</b>
8	PERAKAUNAN	<b>581</b> 49.2%	<b>546</b> 46.2%	<b>55</b> 4.6%	<b>1,182</b>

15. Status keputusan permohonan kemasukan ke IPTA bagi Program Pengajian Lulusan STPM/Setaraf Sesi Akademik 2009/2010 boleh disemak mulai **19 Jun 2009, jam 11.00 pagi** melalui saluran hebahan seperti **di Lampiran 1**.

16. Pihak IPTA akan mengeluarkan **surat tawaran rasmi** kepada calon yang berjaya mulai **19 Jun 2009**. **Semua calon yang berjaya dikehendaki membuat pengesahan setuju terima tawaran oleh IPTA** dalam tempoh **7 hari** iaitu pada atau sebelum **25 Jun 2009**. **Pengesahan setuju**

**terima tawaran dan surat tawaran boleh dicetak** melalui Laman Web IPTA seperti **di Lampiran 2.**

17. Bahagian Pengurusan Kemasukan Pelajar, Jabatan Pengajian Tinggi juga akan membuka Kaunter Semakan Status Keputusan Permohonan Kemasukan ke IPTA di Aras 1, Blok E9, Parcel E, Presint 1, Pusat Pentadbiran Kerajaan Persekutuan , 62505 Putrajaya mulai **19 Jun hingga 28 Jun 2009** untuk memudahkan pemohon membuat **semakan** dan mendapatkan **khidmat runding cara.**
  
18. Memandangkan Jabatan ini kerap menerima aduan dan pertanyaan berkaitan dengan isu kemasukan ke IPTA, maka Jabatan Pengajian Tinggi menyediakan perkhidmatan **Talian Khidmat Bantu (Helpline) dan Hotline** serta e-mel seperti berikut:-
  - **03-8883 5848**
  - **03-8883 5858**
  - **upu@mohe.gov.my**
  
19. **Aplikasi e-rayuan dibuka mulai 19 Jun 2009 jam 12.00 tengah hari. Hanya calon gagal menerima sebarang tawaran ke IPTA** sahaja dibenarkan mengemukakan rayuan melalui Aplikasi e-rayuan berpusat di Bahagian Pengurusan Kemasukan Pelajar, Jabatan Pengajian Tinggi dalam **tempoh 10 hari** selepas keputusan rasmi diumumkan melalui **Laman Web Rasmi Kemasukan ke IPTA di <http://upu.mohe.gov.my>**
  
20. Tarikh tutup permohonan e-rayuan ialah pada **28 Jun 2009.**
  
21. Prosedur e-rayuan dikemukakan ke Bahagian Pengurusan Kemasukan Pelajar, Jabatan Pengajian Tinggi seperti **di Lampiran 3.** Keputusan pemilihan rayuan adalah tertakluk kepada kekosongan tempat mengikut program pengajian dan IPTA selepas pendaftaran pelajar baru ke IPTA. Tawaran adalah muktamad. Jika tiada sebarang jawapan diterima dari IPTA sehingga **31 Julai 2009** selepas tarikh pendaftaran, maka rayuan tersebut dianggap gagal.

22. Tarikh pendaftaran pelajar baru ke IPTA ialah pada **27 dan 28 Jun 2009**. Pemohon yang berjaya dinasihatkan merujuk ke laman web IPTA berkaitan untuk maklumat lanjut.

**Jabatan Pengajian Tinggi**  
**Kementerian Pengajian Tinggi Malaysia**  
**19 Jun 2009**

**SALURAN HEBAHAN MAKLUMAT  
SEMAKAN STATUS KEPUTUSAN PERMOHONAN  
KEMASUKAN KE IPTA  
PROGRAM PENGAJIAN LEPASAN  
STPM/MATRIKULASI/SETARAF (IJAZAH PERTAMA)  
SESI AKADEMIK 2009/2010**

<b>1</b>	<b>INTERNET</b>	<p style="text-align: center;"><a href="http://jpt.uum.edu.my">http://jpt.uum.edu.my</a></p> <p style="text-align: center;"><a href="http://www.jpt.utm.my">http://www.jpt.utm.my</a></p> <p style="text-align: center;"><a href="http://upu.mohe.gov.my">http://upu.mohe.gov.my</a></p>
<b>2</b>	<b>HOTLINE (10 Talian)</b>	<b>03-8883 5858</b>
<b>3</b>	<b>HELPLINE</b>	<b>03-8883 5848</b>
<b>4</b>	<p>SISTEM PESANAN RINGKAS(SMS) (<b>SHORT MESSAGING SERVICE</b>)</p> <ul style="list-style-type: none"> <li>• UNTUK SEMUA TALIAN TELEFON BIMBIT</li> </ul>	<p>Sila taip: UPU RESULT [No. KP]</p> <p>dan SMS ke: 15888</p>

Jabatan Pengajian Tinggi  
Kementerian Pengajian Tinggi Malaysia  
19 Jun 2009

## LAMPIRAN 2

**SENARAI URL LAMAN-WEB IPTA  
UNTUK CETAKAN SURAT TAWARAN PERMOHONAN  
KEMASUKAN KE IPTA PROGRAM PENGAJIAN LEPASAN  
STPM/MATRIKULASI/SETARAF (IJAZAH PERTAMA)  
SESI AKADEMIK 2009/2010**

<b>BIL</b>	<b>IPTA</b>	<b>URL LAMAN WEB IPTA</b>
1	UM	<a href="http://www.um.edu.my/kemasukan">http://www.um.edu.my/kemasukan</a>
2	USM	<a href="http://www.usm.my/kemasukan/tawaran.asp">http://www.usm.my/kemasukan/tawaran.asp</a>
3	UKM	<a href="http://www.ukm.my/tawaran">http://www.ukm.my/tawaran</a>
4	UPM	<a href="http://www.esmp.upm.edu.my/tawaran">http://www.esmp.upm.edu.my/tawaran</a>
5	UTM	<a href="http://www.jpt.utm.my">http://www.jpt.utm.my</a>
6	UIAM	<a href="http://www.iiu.edu.my/kemasukan/tawaran.html">http://www.iiu.edu.my/kemasukan/tawaran.html</a>
7	UUM	<a href="http://www.uum.edu.my/kemasukan/tawaran">http://www.uum.edu.my/kemasukan/tawaran</a>
8	UNIMAS	<a href="http://www.unimas.my/kemasukan/tawaran">http://www.unimas.my/kemasukan/tawaran</a>
9	UMS	<a href="http://www.ums.edu.my/kemasukan">http://www.ums.edu.my/kemasukan</a>
10	UPSI	<a href="http://www.upsi.edu.my/tawaran">http://www.upsi.edu.my/tawaran</a>
11	UiTM	<a href="http://istudent.uitm.edu.my/intake">http://istudent.uitm.edu.my/intake</a>
12	UMT	<a href="http://www.umt.edu.my/tawaran.php">http://www.umt.edu.my/tawaran.php</a>
13	UTHM	<a href="http://webapp.uthm.edu.my/tawaran">http://webapp.uthm.edu.my/tawaran</a>
14	USIM	<a href="http://www.usim.edu.my/kemasukan/tawaran">http://www.usim.edu.my/kemasukan/tawaran</a>
15	UTeM	<a href="http://www.utm.edu.my/tawaran">http://www.utm.edu.my/tawaran</a>
16	UMP	<a href="http://www.ump.edu.my/tawaran">http://www.ump.edu.my/tawaran</a>
17	UniMAP	<a href="http://www.unimap.edu.my/tawaran">http://www.unimap.edu.my/tawaran</a>
18	UDM	<a href="http://www.udm.edu.my/tawaran">http://www.udm.edu.my/tawaran</a>
19	UMK	<a href="http://www.umk.ed.my/kemasukan/tawaran">http://www.umk.ed.my/kemasukan/tawaran</a>
20	UPNM	<a href="http://www.upnm.edu.my/kemasukan/tawaran">http://www.upnm.edu.my/kemasukan/tawaran</a>

Jabatan Pengajian Tinggi  
Kementerian Pengajian Tinggi Malaysia  
19 Jun 2009

**PROSEDUR MENGEMUKAKAN e-RAYUAN**

---

**LANGKAH 1**

**NO. KAD PENGENALAN/MYKAD**

(Calon masukkan No. Kad Pengenalan/My Kad yang digunakan semasa mengemukakan permohonan)

**LANGKAH 2**

**Pilihan 1 & Pilihan 2**

(Calon boleh mengemukakan 2 pilihan program pengajian sahaja.

Calon tidak dibenarkan memilih program pengajian yang ada temu duga)

**LANGKAH 3**

**Sah & Hantar**

(Calon boleh mengemukakan 1 kali permohonan dan 3 kali pengemaskinian sehingga tarikh tutup permohonan)

**\*\*\* DASAR PEMILIHAN RAYUAN ADALAH UNTUK MENGISI KEKOSONGAN TEMPAT YANG BERLAKU MENGIKUT PROGRAM PENGAJIAN DAN IPTA SELEPAS PENDAFTARAN PELAJAR BARU KE IPTA.**